

Bosna i Hercegovina
Federacija Bosne i Hercegovine
TUZLANSKI KANTON

OPĆINSKI SUD U TUZLI

Broj: 032-0-Su-25-000601/9
Tuzla, 24.09.2025.godine

Na osnovu člana 31. Zakona o sudovima u Federaciji Bosne i Hercegovine ("Službene novine Federacije BiH", broj: 38/05, 22/06, 63/10 i 72/10), člana 70. stav (1) i člana 72. stav (3) tačka c) Zakona o javnim nabavkama („Sl. glasnik BiH“, broj : 39/14, 59/22 i 50/24) u postupku nabavke: Nabavka računara i računarske opreme sa licencom, Obavještenje o nabavci broj: 828-1-1-27-3-19/25 od 10.07.2025. godine, predsjednik suda d o n o s i :

ODLUKU

o dodjelu ugovora trećerangiranom ponuđaču

I

Stavlja se van snage Odluka o izboru najpovoljnijeg ponuđača za nabavku računara i računarske opreme sa licencom, broj: 032-0-Su-25-000601/8 od 18.08.2025. godine i ugovor za nabavku računara i računarske opreme sa licencom dodjeljuje se trećerangiranom ponuđaču EMADO d.o.o Azize Šaćirbegović broj 112, 71000 Sarajevo, a nakon provedene „E-Aukcije“ sa ponuđenom cijenom od 162.000,00 KM bez PDV-a.

II

Nakon pravosnažnosti ove Odluke prijedlog ugovora dostavit će se na potpis izabranom ponuđaču.

III

Obavezuje se izabrani ponuđač iz tačke I ove Odluke, da u roku od 5(pet) dana od dana prijema ove Odluke dostavi dokaze tražene tačkom 1.2 tenderske dokumentacije.

IV

Ova odluka dostavlja se svim ponuđačima u postupku javne nabavke, u skladu sa članom 71. stav 2. Zakona o javnim nabavkama i objavit će se na web stranici Općinskog suda u Tuzli.

O b r a z l o ž e n j e

Postupak javne nabavke pokrenut je Odlukom predsjednika suda o pokretanju postupka javne nabavke nabavka računara i računarske opreme s licencom broj: 032-0-Su-25-000601 od 18.08.2025. godine. Nabavka računara i računarske opreme u količini od 131 (jedanaest) komada provedena je putem otvorenog postupka javne nabavke. Procijenjena vrijednost javne nabavke bez PDV-a iznosila je 162.735,00 KM bez PDV-a odnosno 190.400,00 KM sa PDV-om. Obavještenje o nabavci broj: 828-1-1-27-3-19/25 je objavljeno na Portalu javnih nabavki dana 10.07.2025.godine, i u „Službenom glasniku BiH“ broj: 42/2025 od 18.07.2025. godine. Rok za prijem ponuda je bio 08.08.2025. godine do 09,00 sati.

U periodu koji je ostavljen za dostavu ponuda nije bilo postavljenih pitanja, niti žalbi o strane potencijalnih ponuđača na tendersku dokumentaciju.

Komisija za provođenje postupka javne nabavke računara i računarske opreme je dana 08.08.2025. godine izvršila javno otvaranje ponuda u prostorijama Općinskog suda u Tuzli o čemu je sačinila Zapisnik o otvaranju ponuda koji je dostavljen svim ponuđačima koji su dostavili ponude. U daljem postupku po Zapisniku komisije utvrđeno je da je Komisija za javnu nabavku blagovremeno i pravilno izvršila otvaranje, pregled i ocjene primljenih ponuda, o čemu je sačinila odgovarajuće zapisnike u kojima je utvrđeno slijedeće:

- Ukupan broj pristiglih ponuda 4 (četiri).
- Broj blagovremeno zaprimljenih ponuda 4 (četiri).
- Broj prihvatljivih ponuda 4 (četiri).
- Neprihvatljivih ponuda nije bilo.

Komisija za javne nabavke je konstatovala da su prispjele ponude ponuđača: System One d.o.o. ulica Azize Šaćirbegović 80 c, Sarajevo, IMEL d.o.o. Lukavac, ulica Skendera Kulenovića bb, Lukavac, EMADO d.o.o. ulica Azize Šaćirbegović 112. , Sarajevo i Neutrino doo Tuzla, ulica Klosterska 30. Tuzla, ispunjavaju formalno-pravne uslove odnosno uslove ugovornog organa definisane u tenderskoj dokumentaciji. Pristupljeno je provođenju E-aukcije putem portala E-nabavke, te je po okončanoj E-aukciji dostavljen izvještaj o rezultatima sa konačnom rang listom ponuđača koji su učestvovali u E-aukciji.

Prema dostavljenom izvještaju o toku i završetku E-aukcije, konačna rang lista ponuđača koji su učestvovali u E-aukciji je:

Redni broj	Naziv ponuđača	IDB/JIB	Konačna cijena u KM bez PDV-a	Rang
1	IMEL DOO LUKAVAC	4209310270009	133.800,00 KM	1
2	SYSTEM ONE D.O.O. SARAJEVO	4201339960003	148.000,00 KM	2
3	EMADO D.O.O.SARAJEVO	4201929330005	162.000,00 KM	3
4	NEUTRINO DOO TUZLA	4209103050007	162.440,00 KM	4

Nakon završene „E-Aukcije“ i preuzetog izvještaja o toku i završetku „E-Aukcije“ od 14.08.2025. godine, Komisija je dala preporuku da se ugovor zaključi sa IMEL DOO Lukavac, obzirom da ispunjava sve uslove tražene tenderskom dokumentacijom, te je njegova ponuda od 133.800,00 KM bez uračunatog PDV-a, ocijenjena kao najpovoljnija ponuda primjenom kriterija najniže cijene.

Odluka o izboru najpovoljnijeg ponuđača broj: 032-0-Su-25-000601/8 od 18.08.2025. godine, dostavljena je svim ponuđačima koji su učestvovali u ovom postupku javne nabavke.

Nakon pravosnažnosti odluke, ugovor o nabavci računara i računarske opreme sa licencom dostavljen je izabranom ponuđaču.

Dana 22.09.2025. godine IMEL doo Lukavac, ulica Skendera Kulenovića bb, 753000 Lukavac, u pisanoj formi dostavljenoj putem e-maila i putem redovne pošte, obavijestio je ugovorni organ da odustaje od potpisivanja ugovora, obrazlažući da tržišne okolnosti i aktuelna dostupnost proizvoda ne omogućavaju ispoštovanje navedenih uvjeta.


Dana 23.09.2025. godine System One d.o.o. Sarajevo, kao drugorangirani ponuđač, putem e-mail dostavio je Obavijest o nemogućnosti realizacije ponude, iz razloga što se ponuđeni model naveden u dostavljenoj ponudi ponuđača System One d.o.o. Sarajevo, ne može isporučiti u skladu sa tehničkim specifikacijama definisanim u tenderskoj dokumentaciji, iz kojeg razloga su povukli predmetnu ponudu i zatražili da se ista ne uzima u dalje razmatranje.

U skladu sa članom 72. stav (3) tačka c) Zakona o javnim nabavkama, ugovor o nabavci računara i računarske opreme sa licencom ugovor dodijelio trećerangiranom ponuđaču EMADO DOO Sarajevo, ulica Azize Šaćirbegović broj 115. 71.000 Sarajevo, sa konačnom cijenom ponuđenom na „E-Aukciji“ u ukupnom iznosu od 162.000,00 KM bez obračunatog PDV-a.

Imajući u vidu sve naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi u roku od 5 dana od prijema odluke. Žalba se podnosi putem Općinskog suda u Tuzli.

- Dostavljeno:
- Ponuđačima
 - Komisija
 - Su a/a



Predsjednik suda

Dr. sc. Muhamed Tulumović